

校碑隨筆

第二冊

魏

上尊號碑隸書三十二行行四十九字有額篆書陽

文八字在河南許州

延康元年

第二十一行沐雨而櫛風之風字未泐宋拓本也
明拓本與國初拓本至華商等字止併無字行數
計之共二十二行遍觀舊拓時如此然明拓實多
字第一行御史大夫之夫字與下安陵亭三字俱
可見且安字完好第二行輕車將軍下都字完好
亭字存下半第三行征東將軍之將軍二字存第
六行臣林之林字可見第八行樂鄉亭侯之樂字

存第十行漢帝奉天命下禪羣臣三字存第十一
行違字存第十四行堯知天命□已下故得二字
存第十五行畏天命也之畏字可見第十六行魏
受命之魏受二字存至乾隆年間拓本石之後段
十行已併拓第二行將軍下半都字可見第三行
臣真之臣字可見第五行奉字臣字完好第九行
懷遠將軍之懷字首少損而未半泐第十二行得
保首領之保字可見第十四行唐之禪虞四字清
晰第二十三行文德之德字完好第二十五行珍
祥瑞物之物字完好下雜運之雜字亦可見第二

十六行所以陳叙之陳字完好第二十七行可謂
信矣之信矣二字完好第二十九行袂羣神之禮
之禮字示旁未損第三十行臣真之臣字可見此
皆近拓不如者也是碑與受禪碑近拓皆刻過

受禪碑隸書二十二行行四十九字有額篆書陽文

三字在河南許州

黃初元年

最舊拓本首行維黃初元年冬六字尚存只初字
損第二行皇帝受禪于五字只受字損第三行是
以降三字只降字損然下截埋土中故洪氏隸釋
所載下截之字均旁註也舊拓本有冬字損者其

次則維字冬字泐以字之上裂紋如指寬近拓本
只第三行是以之是字存餘皆泐且舊拓本第三
行是以降等字下之世且千三字雖損可辨近亦
泐矣帖估云此碑與上尊號皆有磚摹本

魯孔子廟碑亦作孔羨碑隸書二十二行行四十字
有額篆書陰文六字在山東曲阜

黃初元年

是碑第十八行第十字體字僅損右下角者即明
拓與國初拓也乾隆拓本則體字僅存骨旁近拓
全泐如乾隆拓本首行大魏受命之命字僅損下
旁近拓泐連于口旁第二行同度量之同字筆道

可辨秩羣祀于無文之無字未損第四行魯衛之
魯字上損右半近拓只存下目上半泐矣第七行
大亂之亂字与百祀之祀字左下未与石損處併
連第九行置百石之石字尚存大半近拓只存上
左角此又稍舊拓本与近拓本之別也

黃初殘碑隸書碎為四一存二行行二字一存三行
前行三字後二行行五字一存二行前行二字後
行四字一存四行惟第二行四字餘各三字前三
石曾藏邵陽許氏今佚後一石曾藏邵陽康氏今
脫一字只十二字

黃初五年

黃初殘碑惟少吳國為四字一石不經見嘉興張
廷濟未得此北平翁方綱雙鉤以配于三石可以
知矣然康氏曾藏之十三字殘石第二行末休字
稍舊拓本末筆已泐近則全脫落成十二字矣十
三字者亦矜貴四石世謂非一碑不敢附和

廬江太守范式殘碑隸書碑陽存十二行首行中殘
只六字第二三行十六字第四至第八行各十五
字第九行十四字第十行十三字第十一行十一
字第十二行五字碑陰存四列上二列十行三列
十一行下列六行有額篆書陰文十字在山東濟

甯青龍三年

此碑重出土先得額次得碑李東琪黃易李克正
等題記于碑之西面時在乾隆己酉無題記者重
出土之初拓本也已刻跋後初拓本于李東琪題
字後有顧文鉷鄭支宗李學曾小字觀款三行清
晰近則漫漶不可見且近拓往往省紙首行末缺
一夏字第二三行缺實字百字只十五字下作齊
形

上軍大將軍曹真殘碑隸書碑陽存二十行行十七
字至十字不等碑陰二列各三十行歸長白托活

洛氏

陝西長安出土其碑陽第八行之賊字與第十一行之蜀字乃出土時即鑿去也近并賊字下諸葛亮三字鑿去之

王基殘碑隸書十九行前三行行二十二字餘俱二十一字在河南洛陽

舊拓本第二行兼字第三行致文二字第四行柔字第五行司字第六行典字第七行呂字第八行麾爵二字第九行賡字第十行舉無廢三字第十五行冊送車三字皆完好近拓已損

征羌侯張君殘碑隸書存十行行十六七八字不等
末行只餘六字歸長白托活洛氏

河南出土為山東碑估杜九錫訪得輦至京師據
云碑有年月在後斷一石藏者居奇未能并得之
文稱西鄉侯之兄攷魏志當是張既之兄也
未見著錄此碑上與左殘

西鄉侯之兄冀州刺史之考也蓋張仲興周室
續乃祖服體明性詰寬裕博敏孝友恭順著於
之咸位南面競德國家猶昔八虞文王是詔世
書悅樂允通聲稱爰發牧守旌旆歷主簿
理左右攸宜器有特達計拜郎中除夷陵侯
口唱寡和為俗所仇君恥倖比溫于羣小換序
復換征羌崇保障之治達勿刻之化開義遏
罰折中戶口既盈祀樂職如帝簡其庸遷池

雖姜公樹迹藿檀流稱步驟俞否君參其中
口辭命不應口

三體石經古篆今篆隸書每字作三體存十一行行
一二三四字不等歸黃縣丁氏

石河南洛陽出土其年有云光緒二十二年丙申
近有摹刻裂紋與剝震易辨

未見著錄此石四周殘

嗣前
施于

受命天弗庸釋
時則有

衡在大戊時
在祖乙時

惟茲有陳保
純右命則商

旬跌咸奔惟
卜筮罔不

嗣天滅畏

衡虞等字殘碑隸書存三行前二行行二字後行半

字一舊藏諸城王氏近歸長白托沽洛氏

未見著錄此碑四周殘

驚口
衡虞

口

Blank page with vertical ruling lines.

吳

九真太守谷朗碑隸書十八行行二十四字有額隸

書陰文十一字在湖南耒陽

鳳凰元年四月

碑兩邊均刻谷氏後人題名其字可見者舊拓本也今雖磨滅審視拓本隱隱尚有痕迹陸氏金石續編謂錢氏藏本殘缺數字今拓本僅一萬里肅齊之齊字不可辨重刻之證也予友王孝禹云有舊摹刻本訛字甚多

禪國山碑篆書四十三行行二十五字在江蘇宜興

天璽元年

昔少完全拓本故行數字數所述不同牛氏金石
圖吳氏金石存謂二十行牛氏則作行十九字吳
氏則作行九字北平翁氏得三十一行行二十五
字拓本謂可辨者五百十二字以為完全矣迨海
鹽吳槎客騫拓全文并作碑考極詳知統前後連
無字而尚存筆迹之行數計之實為四十三行行
二十五字翁氏存其說惟不計其已泐字之八行
謂可見三十五行可辨五百九十三字按福山王
文敏曾得舊拓本不如近拓清晰多矣至吳槎客
記西面上截泐紋尤深更歷歲月當折一角云云

審近拓不但此角至今未折落所存帝王等字右
方泐紋亦未侵連記之以俟再後之校此碑者

天發神讖文篆書碑斷為三空行不計則上段二十
一行惟詔遣一行六字大吳一行七字餘各五字
中段十九行行二字至七字不等下段十行行二
三字總計二百十二字又半字十二舊在江蘇江
甯今佚

天璽元年八月

自碑嘉慶十年乙丑毀于火拓本矜貴得之不易
况舊拓乎是碑上有宋人胡宗師石豫亨二跋江
寧摹刻只胡宗師跋摹刻中最著者為林曙生東

雲本俗稱黃泥牆本在北京旋毀故亦不易得與
原本大別處在下步于日月之月字末筆泐下角
原本此字完好原本明拓第一段末行東海夏侯
東海侯三字筆道清晰夏字尚可辨第二段數下
垂字又吳郡二字皆未泐近有石影本殘本也有
張廷濟跋字